

西漢會要

四





西漢會要卷第九

從事郎前撫州州學教授臣徐天麟上

徐天麟

進

禮三吉禮

親郊

孝文親郊二

幸雍始郊見五帝十五年四月

郊祀五帝于渭陽十六年四月

孝景親郊一

幸雍郊五時占六年十月

孝武親郊十一

幸雍祠五時八元光二年十月

西漢會要卷第九

五年十月  
四年十月

幸甘泉郊泰時三元封五年四月  
後元元年正月

元封二年十月  
元始四年十二月

孝宣親郊六

幸雍祠五時一五鳳二年三月

幸甘泉郊泰時五神爵元年正月  
甘露元年正月  
五鳳元年正月  
三年正月

黃龍元年正月

孝元親郊八

幸雍祠五時三初元五年三月  
建昭元年三月  
永光四年三月

幸甘泉郊泰時五初元二年正月  
永光元年正月  
四年正月  
五年正月

建昭二年正月

孝成親郊九





幸雍祠五時四

永始二年三月

元延元年三月

幸甘泉郊泰時四

永始四年正月

元延二年正月

郊祀長安南北郊一

建始二年正月北郊

孝立親郊一

郊祀高祖以配天

元始四年

雜錄

漢王二年冬東擊項籍而還入關問故秦時上帝祠何帝也對曰四帝有白青黃赤帝之祠高祖曰吾聞天有五帝而四何也莫知其說於是高祖曰吾知之矣廼待我而具五也廼立黑帝祠名曰北時有司進祠上不親往悉召故秦祀官復置大祝大宰如其故

西漢命九

二

儀禮下詔曰吾甚重祠而敬祭今上帝之祭及山川諸神當祠者各以其時禮祠之如故

孝文帝十四年以歲比登詔有司增雍五時路車各一乘駕被具西時畦時寓車各一乘寓馬四疋駕被具詔曰有異物之神見于成紀母害於民朕幾郊祀上帝諸神禮官議毋諱以朕勞有司皆曰古者天子夏親郊祀上帝於郊故曰郊於是夏四月文帝始幸雍郊見五時祠衣皆上赤

趙人新垣平以望氣見上言長安東北有神氣成五采若人冠冕焉或曰東北神明之舍西方神明之墓也天瑞下宜立祠上帝以合符應於是作渭陽五帝



廟同宇帝一殿面五門各如其帝色祠所用及儀亦如雍五畤明年夏四月文帝親拜霸渭之會以郊見渭陽五帝五帝廟臨渭其北穿蒲池溝水權火舉而祠若光輝然屬天焉文帝出長門若見五人於道北遂因其直立五帝壇祠以五牢其明年平使人持玉杯上書闕下獻之平言上曰闕下寶玉氣來者已視之果有獻玉杯者刻曰人主延壽平又言臣候日冉中居頃之日卻復中於是始更以十七年爲元年令天下大酺平言曰周鼎亡在泗水中今河決通於泗臣望東北汾陰直有金寶氣意周鼎其出乎兆見不迎則不至於是上使使治廟汾陰南臨河欲祠出周

鼎人有上書告平所言皆詐也下吏治誅夷平是後文帝怠於改正服鬼神之事而渭陽長門五帝使祠官領以時致禮不往焉

武帝時亳人謬忌奏祠泰一方曰天神貴者泰一泰一佐曰五帝古者天子以春秋祭泰一東南郊日一大牢七日爲壇開八通之鬼道於是天子令大祝立其祠長安城東南郊常奉祠如忌方其後人上書言古者天子三年一用大牢祠三天一地一泰一天子許之令大祝領祠之於忌泰一壇上如其方後人復有言古天子常以春解祠祠黃帝用一梟破鏡冥羊用羊祠馬行用一青牡馬泰一臯山山君用牛武



夷君用乾魚陰陽使者以一牛令祠官領之如其方而祠泰一於忌泰一壇旁後二年郊雍獲一角獸若麋然有司曰陛下肅祗郊祀上帝報享錫一角獸蓋麟云於是以薦五時時加一牛以燎賜諸侯白金以風符應合于天也

元鼎中上雍且郊或曰五帝泰一之佐也宜立泰一而上親郊之上疑未定明年上遂郊雍至隴西登空桐幸甘泉令祠官寬舒等具泰一祠壇壇放亳忌泰一壇三咳五帝壇環居其下各如其方黃帝西南除八通鬼道泰一所用如雍一時物而加醴棗脯之屬殺一鰲牛以爲俎且牢具而五帝獨有俎且醴進其

下四方地爲脰食羣神從者及北斗云巳祠胙餘皆燎之其牛色白白鹿居其中彘在鹿中鹿中水而酒之祭日以牛祭月以羊彘特泰一祝宰則衣紫及繡五帝各如其色日赤月白十一月辛巳朔旦冬至物爽天子始郊拜泰一朝朝日夕夕月則揖而見泰一如雍郊禮其贊饗曰天始以寶鼎神策授皇帝朔而又朔終而復始皇帝敬拜見焉而衣上黃其祠列火蒲壇壇旁有炊具有司云祠上有光公卿言皇帝始郊見泰一雲陽有司奉瑄玉嘉牲薦饗是夜有美光及晝黃氣上屬天大史令談祠官寬舒等曰神靈之休祐福兆祥宜因此地光域立泰時壇以明應令太



祝頌秋及臘間祠三歲天子壹郊見

宣帝元康四年下詔曰益聞天子尊事天地修祀山

川古今通禮也間者上六而之祠闕而不親十有餘年

朕甚懼焉朕親飭躬齋戒親奉祀為百姓蒙嘉氣獲

豐年焉明年正月上始土于甘泉郊見泰時數有美祥

修武帝故事盛車服敬歲月祠之禮頗作詩歌已上並郊祀志

親祠后土 北郊附

孝武祠后土五

幸河東祠后土

元封四年三月  
太初元年十二月  
天漢元年三月

六年三月  
二年三月

孝宣祠后土二

幸河東祠后土

神爵元年三月

五鳳元年三月

孝元祠后土三

郊祀志云元帝奉后土之祠  
今紀之所止存其三

幸河東祠后土

初元四年三月  
建昭一年三月

永光五年三月

孝成祠后土五

祀后土于長安北郊一

建始二年三月

幸河東祠后土四

永始四年三月  
元延四年三月

元延二年三月  
綏和二年三月

武帝元鼎四年天子郊雍曰今上帝朕親郊而后土

無祀則禮不答也有司與太史令談祠官寬舒議天

地牲角繭栗今陛下親祠后土后土宜於澤中園立

為五壇壇一黃犢牢具已訖盡瘞而從祠衣上黃於

是天子東幸汾陰汾陰男一公孫滂洋等見汾旁有



光如絳上遂立后土祠於汾陰脰上如寬舒等議上親望拜如上帝禮郊祀志

成帝建始元年徙甘泉泰畤河東后土於長安南北

郊永始元年紀作三年三月呂未有皇孫復甘泉河東祠

綏和二年呂卒不獲祐復長安南北郊建平三年懼

孝哀皇帝之疾未瘳復甘泉汾陰祠平帝元始五年

王莽言宜如建始時丞相衡等議復長安南北郊奏

可三十餘年間天墜之祠五徙焉詳見郊議

莽又與大師光大司徒宮羲和歆等八十九人議皆

曰天子父事天母事地今稱天神曰皇天上帝泰一

兆曰泰畤而稱墜祇曰后土與中央黃靈同又兆北

郊未有尊稱宜令墜祇稱皇墜后祇兆曰廣畤奏可

並郊祀志

### 雜錄

元延二年三月將祭后土上廼率羣臣橫大河湊汾

陰既祭行遊介山回安邑顧龍門覽鹽池登歷觀陟

西嶽以望八荒迹敷周之虛眇然以思唐虞之風揚

雄以為臨川羨魚不如歸而結罔還上河東賦以勸

揚雄傳

## 西漢會要卷第九



兩漢會要卷第十一

從事郎 撫州州學教授 徐天麟 上進

禮四 古禮

郊議

成帝初即位丞相衛御史大夫譚奏言帝王之事莫大乎承天之序承天之序莫重於郊祀故聖王盡心極慮以建其制祭天於南郊就陽之義也瘞地於北郊即陰之象也天之於天子也因其所都而各饗焉往者孝武皇帝居甘泉宮即於雲陽立泰畤祭於宮南今行常幸長安郊見皇天反北之泰陰祠后土反東之少陽事與古制殊又至雲陽行谿谷中阨陝且百里汾陰則渡大川有風波舟楫之危皆非聖主所宜數乘郡縣治道共張吏民困苦百官煩費勞所保之民行危險之地難以奉神靈而祈福祐殊未合於承天子民之意昔者周文武郊於豐鄠成王郊于雒邑由此觀之天隨王有所居而饗之可見也甘泉泰畤時河東后土之祠宜可徙置長安合於古帝王願與羣臣議定奏可大司馬車騎將軍許嘉等八人以為所從來久遠宜如故石將軍王商博士師丹議郎翟方進等五十人以為禮記曰燔柴於大壇祭天也瘞地於大折祭地也北郊南郊所以定天位也祭地於大折在北郊就陰位也郊處各在聖王所都之南北



書曰越三日丁巳用牲于郊牛二周公加牲告徙新  
邑定郊禮於維明王聖主事天明事地察天地明察  
神明章矣天地以王者為主故聖王制祭天地之禮  
必於國郊長安聖主之居皇天所觀視也甘泉河東  
之祠非神靈所饗宜徙就正陽大陰之處違俗復古  
循聖制定天位如禮便於是衡譚奏議曰陛下聖德  
聰明上通承天之大功覽羣下使各悉心盡慮議郊  
祀之處天下幸甚臣聞廣謀從衆則合於天心故洪  
範曰三人占則從二人言言少從多之義也論當往  
古宜於萬民則依而從之違道寡與則廢而不行今  
議者五卜八人其五十人言當徙之義比日著於經傳

同於上世便於吏民八人不按經藝考古制而以爲  
不宜無法之議難以定吉凶太誓曰正稽古立功立  
事可以永年丕天之六律詩曰毋曰高高在上陟降  
厥士目監在茲言天之日監王者之處也又曰廼眷  
西顧此維予宅言天以文王之都爲居也宜於長安  
定南北郊爲萬世其天子從之既定衡言甘泉泰畤  
紫壇八觚宣通象之方五帝壇周環其下又有羣神  
之壇以尚書禋六宗望山川徧羣神之義紫壇有文  
章采鏤黼黻之飾以玉女樂石壇僊人祠瘞鸞路駢  
駒寓龍馬不能得象於古臣聞郊紫壇饗帝之義  
埽地而祭上質也

大呂舞雲門以娛天神歌大



舞咸池以俟地祇其牲用犢其席橐稽其器陶匏比音  
因天地之性貴誠上質不敢修其文也以爲神祇功  
德至大雖修精微而備庶物猶不足以報功唯至誠  
爲可故上質不飾以章天德紫壇僞飾女樂鸞路駢  
駒龍馬石壇之屬宜皆勿修衡又言王者本以其禮  
制事天地非因異世所立而繼之今雍鄜密上下時  
本秦侯各以其意所立非禮之所載術也漢興之初  
儀制未及定即且因奉故祠復立北時今旣稽古建  
定天地之大禮郊見上帝青赤白黃黑五方之帝皆  
畢陳各有位饌祭祀備具諸侯所妄造王者不當長  
遵及北時未定時所立不宜復修天子皆從焉及陳

寶祠由是皆罷明年上始祀南郊赦奉郊之縣及中  
都官耐罪囚徒是歲衡譚復條奏長安厨官縣官給  
祠郡國侯神方士使者所祠凡六百八十三所其二  
百八所應禮及疑無明文可奉祠如故其餘四百七  
十五所不應禮或復重請皆罷奏可本雍舊祠二百  
三所唯山川諸星十五所爲應禮云若諸布諸嚴諸  
逐皆罷社主有五祠置其一又罷高祖所立梁晉秦  
荆巫九天南山萊中之屬及孝文渭陽孝武薄忌泰  
一二一黃帝宜羊馬行泰一臯山山君武夷夏后啓  
母石萬里沙八神延年之屬及孝宣參山蓬山之罌  
成山萊山四時蚩尤勞谷五牀僊人玉女徑路黃帝



天神原水之屬皆罷候神方士使者副佐本草待詔七十餘人皆歸家明年衡坐事免官爵衆庶多言不當變動祭祀者又初罷甘泉泰畤作南郊日大風壞甘泉竹宮折拔畤中林木十圍以上百餘天子異之以問劉向對曰家人尚不欲絕種祠況於國之神寶舊畤且甘泉汾陰及雍五畤始立皆有神祇感應然後營之非苟而已也武宣之世奉此三神禮敬敷備神光尤著祖宗所立神祇舊位誠未易動而始納貢禹之議後人相因多所動搖易大傳曰誣神者殃及三世恐其咎不獨止禹等上意恨之後上以無繼嗣故令皇太后詔有司曰蓋聞王者承事天地交接泰一尊莫著於祭祀孝武皇帝大聖通明始建上下之祀營泰畤于甘泉定后土于汾陰而神祇安之饗國長久子孫蕃滋累世遵業福流于今今皇帝寬仁孝順奉循聖緒靡有大愆而又無繼嗣思其咎職殆在徙南北郊違先帝之制改神祇舊位夫天地之心以妨繼嗣之福春秋六十未見皇孫食不甘味寢不安席朕甚悼焉春秋大復古善順祀其復甘泉泰畤汾陰后土如故及雍五畤陳寶祠在陳倉者天子復親郊禮如前又復長安雍及郡國祠著明者且半後成都侯王商爲大司馬衛將軍輔政杜鄴說商曰東鄰殺牛不如西鄰之禴祭言奉天之道貴以誠質大得



民心也行穢祀豐猶不蒙祐德修薦薄吉必大來古者壇場有常處祭禋禘常用贄見有常禮犧牲玉帛雖備而財不匱車輿臣役雖動而用不勞是故每舉其禮助者歡說大路所歷黎元不知今甘泉河東天地郊祀咸失方位違陰陽之宜及雍五時皆曠遠奉尊之役休而復起繕治共張無解已時皇天著象殆可略知前上甘泉先畷失道禮月之夕奉引復迷祠后土還臨河當渡疾風起波船不可御又雍大雨壞平陽宮垣廼三月甲子震電灾林光宮門祥瑞未著咎證仍臻迹三郡所奏皆有變故不荅不饗何以甚此詩曰率由舊章舊章先生法度文王以之交神于祀子孫千億宜如異時公卿之議復還長安南北郊後數年成帝崩皇太后詔有司曰皇帝即位思順天心遵經義定郊禮天下說喜懼未有皇孫故復甘泉泰時汾陰后土庶幾獲福皇帝恨難之卒未得其祐其復南北郊長安如故以順皇帝之意也哀帝即位寢疾博延方術士京師諸縣皆有侍祠使者盡復前世所常興諸神祠官凡七百餘所一歲三萬七千祠云明年復令太皇太后詔有司曰皇帝孝順奉承聖業靡有解怠而又疾未瘳夙夜唯思殆繼體之君不宜改作其復甘泉泰時汾陰后土祠如故上亦不能親至遣有司行事而禮祠焉後三年哀帝崩平帝元



始五年大司馬王莽奏言王者父事天故爵稱天子  
孔子曰人之行莫大於孝孝莫大於嚴父嚴父莫大於  
配天王者尊其考欲以配天緣考之意欲尊祖推而  
上之遂及始祖是以周公郊祀后稷以配天宗祀文  
王於明堂以配上帝禮記天子祭天地及山川歲徧  
春秋穀梁傳以十二月下辛卜正月上辛郊高皇帝  
受命因雍四時起社時而備五帝未共天地之祀孝  
文十六年用新垣平初起渭陽五帝廟祭泰一地祇  
以大祖高皇帝配口冬至祠泰一夏至祠地祇皆并  
祠五帝而共一牲上親郊拜後平代詐誅廼不復自  
親而使有司行事孝武皇帝祠雍曰今上帝朕親郊  
而后上無祠則禮不答也於是元鼎四年十一月甲  
子始立后土祠於汾陰或曰五帝泰一之佐宜立泰  
一五年十一月癸未始立泰一祠於甘泉三歲一郊  
與雍更祠亦以高祖配不歲事天皆未應古制建始  
元年徙甘泉泰畤河東后土於長安南北郊永始元  
年三月己未有皇孫復甘泉河東祠綏和二年己卒  
不獲祐復長安南北郊建平三年懼孝哀皇帝之疾  
未瘳復甘泉汾陰祠竟復無福臣謹與大師孔光長  
樂少府平晏大司農大成中壘校尉劉歆太中大夫  
朱陽博士薛順議郎國由等六十七人議皆曰宜如  
建始時丞相衡等議復長安南北郊如故莽又頗改



其祭禮曰周官天墜之祀樂有別有合其合樂曰呂  
六律六鍾五聲八音六舞大合樂祀天神祭墜祇祀  
四望祭山川享先妣先祖凡六樂奏六歌而天墜神  
祇之物皆至四望蓋謂日月星海也三光高而不可  
得親海廣大無限界故其樂同祀天則天文從祭墜  
則墜理從三光天文也山川地理也天地合祭先祖  
配天先妣配墜其誼一也天墜合精夫婦判合祭天  
南郊則呂墜配一體之誼也天墜位皆南鄉同席墜  
在東共牢而食高帝高后配于壇上西鄉后在北亦  
同席共牢牲用繭栗元酒陶匏禮記曰天子籍曰千  
晦呂事天墜繇是言之宜有黍稷天地用牲一燔祭  
瘞瘞用牲一高帝高后用牲一天用牲左及黍稷燔  
祭南郊墜用牲右及黍稷瘞于北郊其旦東鄉再拜  
朝日其夕西鄉再拜夕月然後孝弟之道備而神祇  
嘉享萬福降輯此天墜合祀呂祖妣配者也其別樂  
曰冬日至於墜上之圜丘奏樂六變則天神皆降夏  
日至於澤中之方丘奏樂八變則墜祇皆出天墜有  
常位不得常合此其各特祀者也陰陽之別於日  
冬夏至其會也呂孟春正月上辛若丁天子親合祀  
天墜于南郊呂高帝高后配陰陽有離合易曰分陰  
分陽迭用柔剛以日冬至使有司奉祠南郊高帝配  
而望羣陽日夏至使有司奉祭北郊高后配而望羣



陰皆呂助致微氣通道幽弱當此之時后不省方故  
天子不親而遣有司所呂正承天順地復聖王之制  
顯大祖之功也渭陽祠勿復修羣望未悉定定復奏  
奏可三十餘年間天墜之祠五徙焉

郊祀志

西漢會要卷第十



西漢會要卷第十一

從事郎前撫州州縣教授臣徐

天壽

禮五吉禮

祖宗配侑

孝文十六年起渭陽五帝廟於秦一地祇以大祖高

皇帝配郊祀志

孝武元鼎五年立泰一祠於甘泉亦以高祖配同

元封四年祠泰一五帝於明堂上坐合高皇帝祠坐

對之服虔曰時末以高祖配天故言對劉敞曰按王莽疏文帝已用高祖配矣何謂未乎

孝平元始四年郊祀高祖以配天宗祀孝文以配上

帝本紀

二下六一小一西漢會要十一

元始五年安漢公莽奏曰正月上辛若丁天子親合

祀天墜于南郊呂高帝高后配以日冬至使有司奉

祠南郊高帝配日夏至使有司奉祭北郊高后配郊祀志

總天神

高帝初或言周興而邑立后稷之祠至今血食天下

於是高祖制詔御史其令天下立靈星祠張晏曰龍

天田則農祥也常以歲時祠以牛郊祀志曰龍

晨見而祭之而謂之靈星者以

孝武作泰一祠壇祭日以牛祭月以羊彘特朝朝日

夕夕月則揖而見泰一郊祀志

元封三年夏旱甘令天下尊祠靈星焉郊祀志





孝宣又立歲星辰星太白熒惑南斗祠於長安城旁  
成山祠日萊山祠月又祠四時於琅邪蚩尤於壽良

郊祀志

平帝元始五年王莽已奏復長安南北郊又言書曰  
類於上帝禋于六宗歐陽大小夏彥三家說六宗皆  
曰上不及天下不及墜旁不及四方在六者之間助  
陰陽變化實一而名六名實不相應禮記祀典功施  
於民則祀之天文日月星辰所昭仰也地理山川海  
澤所生殖也易有八卦乾坤六子水火不相逮雷風  
不相諱山澤通氣然後能變化既成萬物也臣前奏  
徙甘泉泰畤汾陰后土皆復工南北郊謹按周官北

四考小三

西漢書卷一百一

二

共

五帝于四郊山川各因其方人五帝北居在雍五時  
不合於古又日月雷風山澤具八卦六子之尊氣所謂  
六宗也星辰水火溝瀆皆六宗之屬也今或未特祀  
或無兆居謹與大師光大司徒宮義和歌等八十九  
人議皆曰天子父事天母事地今稱天神曰皇天上  
帝泰一兆曰泰畤而稱墜祇曰后土與中央黃靈同  
又兆北郊未有尊稱宜令墜祇稱皇墜后祇北曰廣  
時易曰方呂類聚物呂羣分分羣神呂類相從爲五  
部兆天墜之別神中央帝黃靈后土時及日廟北辰  
北斗填星中宿中宮于長安城之未墜兆東方帝太  
昊青靈勾芒時及靈公風伯廟歲星東宿東宮于東



郊北南方炎帝赤靈祀融時及熒惑星南宿南宮于南郊北西方帝少皞白靈蓐收時及大白星西宿西宮于西郊北北方帝顓帝黑靈元冥時及月廟雨師廟辰星北宿北宮于北郊北奏可於是長安旁諸廟北時甚盛矣郊祀志

### 山川

始名山大川在諸侯諸侯祝各自奉祠天子官不領及齊淮南國廢令大祝盡以歲時致禮如故郊祀志  
孝文十二年詔河湫漢水玉各加二上祠

十五年脩名山大川嘗祀而絕者有司以歲時致禮本紀

孝武建元元年詔曰河海潤千里其令祠官脩山川之祠為歲事曲加禮本紀

元封元年上登封泰山用事八神八神者一曰天主祠天齊天齊淵水居臨菑南郊山下下者二曰地主祠泰山梁父蓋天好陰祠之必於高山之下時命曰時地貴陽祭之必於澤中園丘云三曰兵主祠蚩尤蚩尤在東平陸監鄉齊之西竟也四曰陰主祠三山五曰陽主祠之罘山六曰月主祠之萊山皆在齊北竝勃海七曰日主祠盛山盛山斗入海最居齊東北陽呂迎日出云八曰四時主祠琅邪琅邪在齊東北蓋歲之所始郊祀志



孝宣神爵元年制詔大常夫江海百川之大者也全  
闕焉無祠其令祠官以禮為歲事以四瀆祠江海雒  
水祈為天下豐年焉自是五嶽四瀆皆有常禮東嶽  
泰山於博中嶽泰室於嵩高南嶽瀟山於瀟西嶽華  
山於華陰北嶽常山於上曲陽河於臨晉江於江都  
淮於平氏濟於臨邑界中皆使者持節待祠唯泰山  
與河歲五祠江水四餘皆一禱而三祠云又祠太室  
山於即墨三戶山於下密祠天封苑火井於鴻門又  
立歲星辰星太白熒惑南斗祠於長安城旁又祠參  
山八神於曲城蓬山石社石鼓於臨胸之罟山於腫  
成山於不夜萊山於黃成山祠日萊山祠月郊祀志

高禱

武帝年二十九廼得太子甚喜為立禱使東方朔枚  
臯為禱祝武五子傳

臘蜡

高祖十年有司請令縣官常以春二月及臘祠稷以

羊彘

志漢舊儀云十二月歲  
事臘以亥日祠皆大牢

孝武太初二年祠門戶比臘

本紀師古曰冬  
至後臘祭百神

嚴延年母欲從延年臘

本傳注云建五之月為臘  
祭因會飲若今之蜡節也

藉田親蠶

文帝二年正月丁亥詔曰夫農天下之本也其開藉  
田朕親率耕以給宗廟粢盛本紀應劭曰古者天子  
藉田千畝藉者藉也



典籍之常也臣瓚曰籍謂籍也

文帝即位賈誼說上曰漢之為漢幾四十年矣公私之積猶可哀痛今歐民而歸之農皆著於本使天下谷食其力末技游食之民轉而緣南晦則蓄積足而民樂其所矣於是上感誼言始開籍田躬耕以勸百姓食貨志

十三年春二月甲寅詔曰朕親率天下農耕以供粢盛皇后親桑以奉祭服其具禮儀本紀

景帝後二年夏四月詔曰雕文刻鏤傷農事者也錦繡纂組害女紅者也農事傷則飢之本也女紅害則寒之原也夫飢寒並至而能亡為非者寡矣朕親耕

三十三

西征會要十一

五

卷

后親桑以奉宗廟粢盛祭服為天下先欲天下務農蠶素有蓄積以備灾害本紀

武帝制曰朕親耕籍田以為農先董仲舒傳

征和四年三月上耕于鉅定本紀應劭曰應國縣也

昭帝始元元年二月己亥上耕于鉤盾弄田應劭曰時帝年

九歲未能親耕帝籍鉤盾官者近著故往往試耕為戲弄也臣瓚曰西京故事弄田在未央宮中師古曰弄田謂游宴之田天子所戲弄耳非為昭帝年幼創有此名

六年春正月上耕于上林並本紀

### 雜錄

大司農屬官有籍田令丞百官

蘭館元后傳漢宮闕疏云上林苑有蘭館蓋其蘭之所也



成帝建始四年谷永對曰皇后桑蠶以治祭服共事天地宗廟正以是日疾風自西北大寒雨雪壞敗其功以章不鄉讀曰鄉宜齊戒避寢以深自責五行

### 社稷

高祖初起禱豐枌榆社天下已定詔御史令豐治枌榆社常以時春以羊彘祠之郊祀志

漢二年令民除秦社稷立漢社稷紀又郊祀志云令縣為公社

十年春有司請令縣常以春二月及臘祠稷以羊彘民里社各自裁以祠制曰可郊祀志

武帝立子闕為齊王策曰受茲青社立子旦為燕王策曰受茲赤社楮

三八五

西漢今史十一

六

先生曰諸侯王始封者必受土於天子之社歸立之以為國社以歲時祠之春秋大傳曰天子之國有泰社東方青南方赤西方白北方黑上方黃故將封於東方者取青土封於南方者取赤土封於西方者取白土封於北方者取黑土封於上方者取黃土各取其色物裹以白茅封以為社此始受封於天子者也此之為主土主土者立社而奉之也史記三王世家

平帝元始三年王莽言帝王建立社稷社者土也宗廟王者所居稷者百穀之主所居奉宗廟共粢盛人所食臣生活也王者莫不尊重朝郊自為之主禮如宗廟詩曰乃立冢土又曰臣御田祖臣祈甘雨禮記



曰維祭宗廟社稷為越縛而行事聖漢興禮儀稍定  
已有官社未立官稷臣贊曰高帝除秦社稷立漢社稷禮所謂大社也時又立官社  
配以夏禹所謂王社也見漢祀令而未立官稷遂於  
至此始立之世祖中興不立官稷相承至今也  
官社後立官稷呂夏禹配食官社后稷配食官稷  
種穀樹徐州牧歲貢五色土各一斗郊祀志又按平  
官稷於官社之後是為一處今更創置建於別所不相從也

雜錄

藥布為燕相燕齊之間皆為立社號曰藥公社本傳

昌邑有枯社木卧復生駐弘傳師古曰社木社王之木也

建昭五年兗州刺史浩賞禁民私所自立社山陽橐  
茅鄉社有大槐吏伐斷之其夜槐復立其故處五行志

明堂

文帝時賈山言願以夏歲二月定明堂本傳

武帝建元元年議立明堂遣使者安車蒲輪束帛加  
璧迎魯申公上鄉儒術招賢良趙綰王臧等以文學  
為公卿欲議古立明堂城南以朝諸侯事未就竇太  
后不好儒術使人微伺趙綰等姦利按綰臧綰臧自  
殺諸所興為皆廢以本紀及郊祀志修

趙綰王臧請立明堂以朝諸侯不能就其事乃言師  
申公於是上使使束帛加璧安車以蒲裹輪駕駟迎  
申公弟子二人乘軺傳從至舍魯邸議明堂事大喜  
竇太后喜老子言不說儒術得綰臧之過以責上上



因廢明堂事申公傳

元封元年登封泰山降坐明堂本紀臣瓚曰泰山東北址古時有明堂處

則此所坐者也明年乃作明堂耳

元封二年作明堂于泰山下初天子封泰山泰山東北址古時有明堂處處險不敞上欲治明堂奉高旁未曉其制度濟南人公玉帶上黃帝時明堂圖明堂中有一殿四面無壁以茅蓋通水水圜宮垣為復道上有樓從西南入名曰昆侖天子從之入以拜祀上帝焉於是上令奉高作明堂汶上如帶圖及是歲修封則祠泰一五帝於明堂上坐令高皇帝祠坐對之祠后土於下房以二十大牢天子從昆侖道入始拜

明堂如郊禮畢祭堂下而上以本紀及郊祀志修

大初元年行幸泰山以十一月甲子朔旦冬至日祀上帝於明堂後每修封其贊饗曰天增授皇帝泰元神策周而復始皇帝敬拜泰一郊祀志

天漢三年三月行幸泰山祀明堂因受計還本紀

大始四年三月行幸泰山壬午祀高帝于明堂呂配

上帝因受計癸未祀孝景皇帝于明堂本紀

平帝元始四年正月宗祀孝文以配上帝二月王莽

奏立明堂本紀應劭曰明堂所以正四時出教化明堂上圜下方八二四達治而之宮在國之

陽上八憲法入風四達法四時九室法九州十二重法十二月三十六法三十六而七十二牖法七十

二風孝經曰宗祀人王於明堂以記上帝上帝謂五時帝大昊之屬皇帝曰合宮有虞曰總章商曰陽館



周曰  
明堂

五年正月拾祭明堂諸侯王二十八人列侯百二十  
人宗室子九百餘人召助祭禮畢皆益戶賜爵及金  
帛增秩補吏各有差義和劉歆等四人使治明堂辟  
廡令漢與文王靈臺周公作洛同符皆封為列侯

按功臣表平晏劉歆孔永孫遷使治  
明堂辟雍得萬國驩心侯各千戶

本紀

西漢會要卷第十一

九

西漢會要卷第十一



西漢會要卷第十二

從事郎前撫州州學教授臣徐天麟上進

禮六吉禮

宗廟

太上皇廟

三輔黃圖云在長安西北長安故城中香室街南鴻朔府北關輔記云在酒池北

孝元永光五年毀 建昭五年復

竟寧元年五月毀 孝成河平元年復世世奉祠

高廟

三輔黃圖高祖廟在長安西北故城中漢舊儀云高祖蓋地六頃三十畝四步祠曰立九旗堂

下撞千石鍾十枝聲聞百里

孝惠尊高廟為太祖廟韋元成傳

孝景元年申屠嘉等奏世世功莫大於高皇帝宜為

帝者太祖之廟天子宜世世獻制曰可紀

孝惠廟

三輔黃圖云惠帝廟在高廟後

元帝永光五年毀 竟寧元年三月復

五月毀

孝文廟

二輔黃圖云文帝廟在長安城南

四年作顧成廟本紀應劭曰文帝自為廟制變

孝景元年申屠嘉等奏德莫盛於孝文皇帝宜為

帝者太宗之廟制曰可紀

孝景廟

西京故事景帝廟號德陽

中四年三月起德陽宮本紀臣瓚曰帝自作之諱不言廟故言宮

元帝竟寧元年毀



孝武廟

文紀注武帝廟在龍淵三輔黃圖龍淵廟在茂陵東

元光三年起龍淵宮一本紀

宣帝本始二年詔身孝武廟為世宗廟天子世世

獻本紀

哀帝即位孔光與羣臣雜議孝武皇帝雖有功烈

親盡宜毀劉歆議曰孝宣皇帝既以為世宗之廟

建立萬世不宜毀上覽其議制曰歆議可韋元成傳

孝昭廟

文紀注云昭帝廟號徘徊

悼皇考廟

宣帝元康元年立皇考廟本紀

成帝永光五年定迭毀禮韋元成奏皇考廟親未

盡不宜毀至平帝元始中王莽奏皇考廟本不當

立請毀勿修奏可韋元成傳

孝宣廟

文紀注云宣帝廟號樂游三輔黃圖云在杜陵西北

平帝元始四年尊孝宣廟為中宗天子世世獻祭本紀

孝元廟

文紀注云元帝廟號長壽

平帝元始四年尊孝元廟為高宗天子世世獻祭本紀

孝成廟

三輔黃圖云成帝廟號陽池

共皇帝廟

哀帝建平二年立共皇廟于京師本紀

平帝即位隳廢共皇廟師丹傳

孝哀廟



孝平廟

京師自高祖至宣帝與太上皇悼皇考各自居陵旁

立廟韋元成傳

孝景元年十月詔曰蓋聞古者祖有功而宗有德制禮樂各有由歌者所以發德也舞者所以明功也高廟酎奏武德文始五行之舞孝惠廟酎奏文始五行之舞孝文皇帝臨天下通關梁不異遠方除誹謗去肉刑賞賜長老收恤孤獨以遂羣生減耆欲不受獻罪人不帑不誅亡罪不私其利也除宮刑出美人重也之世也朕既不敏弗能勝識此皆上世之所不及而孝文皇帝親行之德厚侔天地利澤施四海靡不獲福明象乎日月而廟樂不稱朕甚懼焉其為孝文皇帝廟為昭德之舞以明休德然后祖宗之功德施于萬世永永無窮朕甚嘉之其與丞相列侯中二千石禮官具禮儀奏丞相臣嘉等奏曰陛下永思孝道立昭德之舞以明孝文皇帝之盛德皆臣嘉等愚所不及臣謹議世功莫大於高皇帝德莫盛於孝文皇帝高皇帝廟宜為帝者太祖之廟孝文皇帝廟宜為帝者太宗之廟天子宜世世獻祖宗之廟郡國諸侯宜各為孝文皇帝立太宗之廟諸侯王列侯使者侍祠天子所獻祖宗之廟請宣布天下制曰可本紀



遺德承聖業奉宗廟夙夜惟念孝武皇帝躬仁誼厲  
威武北征匈奴單于遠遁南平氏羌昆明甌駱兩越  
東定葳貉朝鮮廣地斥境立郡縣百蠻率服欵塞自  
至珍貢陳於宗廟協音律造樂歌薦上帝封大山立  
明堂改正朔易服色明開聖緒尊賢顯功興滅繼絕  
寢周之後備天地之禮廣道術之路上天報呪符瑞  
並應寶鼎出白麟獲海效鉅魚神人並見山稱萬歲  
功德茂盛不能盡宣而廟樂未稱朕甚悼焉其與列  
侯二千石博士議於是羣臣大議廷中皆曰宜如詔  
書長信少府夏侯勝獨曰武帝雖有攘四夷廣土斥  
境之功然多殺士衆竭民財力奢泰亡度天下虛耗

百姓流離物故者半蝗蟲大起赤地數千里或人民  
相食蓄積至今未復亡德澤於民不宜爲立廟樂公  
卿共難勝曰此詔書也勝曰詔書不可用也人臣之  
誼宜直言止論非苟阿意順指議已出口雖死不悔  
於是丞相義御史大夫廣明劾奏勝非議詔書毀先  
帝不道及丞相長史黃霸阿縱勝不舉劾俱下獄有  
司遂請尊孝武帝廟爲世宗廟奏盛德文始五行之  
舞天子世世獻納以明盛德武帝巡狩所幸郡國凡  
四十有九皆立廟如高祖太宗焉夏侯勝傳  
哀帝已追尊定陶共士爲共皇帝郎中令冷褒黃門  
郎段熲等復奏言宜爲共皇立廟京師上復下其議



有司皆以為宜且如褒猶言師丹議獨曰禮父為士子為天子祭以天子其尸服以士服子亡爵父之義尊父母也為人後者為之子故為所後服斬衰三年而降其父母朞明尊本祖而重正統也孝成皇帝聖恩深遠故為共王立後奉承祭祀令共皇長為一國大祖萬世不毀恩義已備陛下既繼體先帝持重太宗承宗廟天地社稷之祀義不得復奉定陶共皇祭入其廟今欲立廟於京師而使臣下祭之是無主也又親盡當毀空去一國泰祖不墮之祀而就無主當毀不正之禮非所以尊厚共皇也丹由是浸不合上意建平二年遂立共皇廟于京師平帝即位王莽白大

西漢會要卷二十一 五

后隳廢共皇廟諸造議冷褒段猶等皆徙合浦師丹傳

雜錄

奉常掌宗廟禮儀景帝更名太常百官表

惠帝即位徙叔孫通為奉常定宗廟儀法叔孫通傳

高后時患臣下妄議先帝宗廟寢園官故定著令敢

有擅議者棄市至元帝改制蠲除此令成帝以無繼

嗣又復擅議宗廟之令韋元成傳臣天麟按貢禹建

時人有盜高坐前玉環得文帝怒下廷尉治案盜宗

廟服御物者為奏當棄市上大怒曰人亡道迺盜先

帝噐吾屬廷尉者欲致之族而君以法奏之非吾所

以共承宗廟意也釋之謝曰法如是足矣今盜宗廟



器而族之有如萬分一假令愚民取長陵一杯土陛  
下且何以加其法虐文帝與太后言之乃許廷尉當

是張釋之傳

內史府居大上廟堧中門東出不便鼂錯廼穿門南

出鑿廟堧垣丞相大怒為奏請誅錯景帝曰此莽廟

垣廼堧中垣不致於法鼂錯傳

臨江王榮坐侵太宗廟地召詣中尉自殺景紀中二年

元鼎二年任越人坐為大常廟酒酸不敬國除表

大初三年石德坐為太常廟牲瘦贖論表

後元元年御史大夫商丘成坐為詹事侍祠孝文廟

醉歌堂下曰出居安能鬱鬱大不敬自殺表

三十七五

西漢會要卷之十二

六

廟

二年魏不害坐為太常孝文廟風發瓦免表

始元六年江德坐為太常廟郎夜飲失火免表

甘露元年魏弘坐耐宗廟騎至司馬門不敬削爵一

級恩澤表

四月丙申大上皇廟火甲辰孝文廟火上素服五日紀本

丙顯坐耐宗廟騎至司馬門不敬奪爵一級恩澤表

韋弘為大常丞職奉宗廟典諸陵邑煩劇多罪過父

賢以弘當為後故勅令自免弘懷謙不去官竟坐宗

廟事繫獄韋元成傳

宣帝時八月飲耐行祠孝昭廟堯歐旄頭劍挺墮墜

首垂泥中刃鄉乘輿車馬驚於是召梁丘賀筮之有



兵謀不吉上還使有司侍祠是時霍氏外孫代郡太守任宣坐謀反誅宣子章為公車丞亡在渭城界中夜元服入廟居郎閒執戟立廟門待上至欲為逆發覺伏誅故事上常夜入廟其後待明而入自此始也

梁丘賀傳

霍山曰丞相擅減宗廟羔羊豷豷可以此罪也

霍光傳師古曰

羔羊豷豷所以供祭也

韋元成以列侯侍祀孝惠廟當晨入廟天雨淖不駕駟馬車而騎至廟下有司劾奏等輩數人皆削爵為

關內侯本傳

高廟僕射

王莽傳上哀章持金匱至高廟以付僕射

六十七

八十二

西漢會要卷二十二

七

原

### 原廟

惠帝為東朝長樂宮及閒往數踰煩民作復道方築武庫南叔孫通奏事因請問曰陛下何自築復道高帝寢衣冠月出游高廟子孫奈何乘宗廟道上行哉惠帝懼曰急壞之通曰人主無過舉今已作百姓皆知之矣願陛下為原廟渭北衣冠月出游之益廣宗廟大孝之本上乃詔有司立原廟叔孫通傳臣天麟按漢舊儀云原廟

一歲十二祠閏加一祠月游衣冠以廟餽食之日

元帝罷原廟

年未詳

建昭五年復原廟

本紀

### 郡國廟



高祖十年令諸侯王皆立大上皇廟于國都本紀

孝惠即位令郡諸侯王立高廟本紀

孝景即位詔郡國諸侯宜各為孝文皇帝立大宗之

廟本紀

孝武建元六年遼東高廟災董仲舒曰高廟不當居

遼東五行志

孝宣本始二年令武帝巡狩所幸之郡國皆立廟本紀

四年地震北海琅邪壞祖宗廟上以宗廟墮素服避

正殿五日本紀

元帝初元二年地震于隴西郡毀落大上皇廟殿壁

木飾本紀

凡祖宗廟在郡國者六十八合百六十七所韋元成傳師古

曰六十八者郡國之數也百六十七所宗廟之數也

永光四年罷祖宗廟在郡國者本紀詳見廟議

西漢會要卷第十二







